

續修滑縣志序



古者列國各有史故詩
首國風孔子因魯史爲
春秋載行事以爲可據

滑縣志

姚序

蓋述往鏡來其得失之
林乎而鑒戒係之矣秦
罷封建列國之史廢掌
故雖缺然郡邑之志可

考也志卽史也滑爲古
顓頊都三代以來皆名
雄區疆域田賦甲於他
邑明嘉靖甲寅銅梁肖

甫張君來宰滑乃摺據
舊聞彙成六卷而滑始
有志越百有餘年歲甲
午邑宰歷下忠銘王君

重修之以其事屬平陰
孝廉紫垣趙君邑人大
竹令濟谷朱君乃博搜
廣稽攷明討論其事遂

倍於舊典核精詳已無
餘憾迄於今又三十年
山川星土如故然其間
之人事亦稍變矣予承

悉茲十競競以興廢
陸爲務值我

皇上稽古右文治化翔洽
採十五國之風謠辨其

俗之貞淫察其政之得
失

特命詞臣纂修一統志彙
各郡邑之志次第上之

蘭臺以備

皇覽甚鉅典也茲志闕略
余滋懼焉乃延邑之鄉
先生太守呂君南呂學

博閭君九如選士朱君
汗朱共任厥事闕者補
焉略者詳焉凡官師名
賢忠貞孝烈宮室田賦

文執災祥所宜採輯而
表章者莫不各隨其類
續入之事實雖增於前
義例則仍其舊稿成余

嚴加考定不以一毫私
意低昂其間文從實意
從實取其備勸懲而信
永久也一邑之文歲

乎其可徵矣余披覽之
下不能無今昔之感焉
間嘗登天臺眺伍行俯
河渠思康叔之遺封見

墟里相望鷄狗之聲相
聞吾夫子庶哉之歎至
今宛然在目也夫何沃
壤廣衍耕鑿作息無異

曩時而生利蹙薄富者
無三年之儲貧者至不
能謀朝夕一遇水旱轉
徙流亡相半此可常而

不可變者何也詎非奢
靡相尚游食者衆有以
耗之而致然與在者名
公鉅卿代不乏人明宗

司成文恪公以力學
儒振興於前而名世特
生賢豪蔚起銘鐘列常
繩繩相繼文章政事焜

耀史冊今且科第稍寢
弱矣往者風尚簡朴士
勵廉隅人敦古處孝弟
力田至有終其身不入

城市不見官長者今日
獄訟繁興險陂相詐跳
梁探丸所在多有夫黜
末重本尚儉去靡所以

勸農桑也崇學校明人
倫嚴考課勵躬行所以
育人材也德以道之禮
以齊之刑以禁之所以

除強暴而興教化也明
乎一邑之習俗利弊而
調劑之撫揉之可以不
勞而登上理譬良醫之

療疾也別其經絡審其
強弱判其寒熱診其虛
實然後投之以藥餌無
不瘳矣則茲志也其卽

涪翁之針經秦越人之
上池水乎余竊有志而
未逮也語曰禮樂百年
而後興後之涖茲土者

滑縣誌

姚序

十二

余不能無厚望云

昔

康熙二十五年歲次丙

寶華公之

文林郎知滑縣事古吳

後學姚德聞撰



元至元五年將宋忠肅公修東郡志十六卷載滑事十之七繼以兵燹散亡嘉靖壬子余令茲士深以闕志爲耻乃搜究夙集王侍御家猶存忠肅舊稿又殘先徵卷後置淵堯太史得全本於中秘余獲之每政隙珠玉雖寧器具而繁濫錯紊亡可觀者甲寅七月乃延師儒滙群史諸書考明討論其事過半舊志矣夫邑有志猶國有史今乃不述後何以觀滑自上世來皆名雄區山川疆域物由文獻非他邑所等儔也

滑縣誌

舊志叙

一

明開國來是書猶寂寂焉可憂也已謹拾遺聞附小見剪冗濶俗列次篇章豈專文藝已哉考蹟而陳風首地理也建制而準則二建置也正典而黜淫三祠祀也明微而防趨四田賦也進良而醜奸五官師也右行而左勢六人物七選舉也其他闕幽未文皆竊取君子之志庶幾視元志可觀焉予也材學短薄况非士著邑當河北之衝舊遭兵擾古碑故家亾廢無一中間遺逸大要傳聞訛舛乃存古史闕文之義俟博者攷而正也但百八十七年諸賢豪所慎重不易

成者予僭成之誠懼文獻不足使天下後世不知
爲何如蓋執事也故不自較書之詳畧美穢於仲尼
愛羊之心不可廢爾噫予豈得已哉知我罪我惟斯
志矣嘉靖甲寅重陽日

舊志叙

知縣王

鶴

歷城人

滑邑古衛地民淳野沃甲於諸邑且沐康叔雅化武
公薰陶相沿美俗至今未艾宰此土者咸以易治爲
快蓋以紳衿純篤羣黎樂輸奉公則爭先行私則處
後雍雍恬適風則美矣詢覽鄉曲儘堪紀盛而况各

滑縣誌

舊志叙

二

賢古跡猶傳遺編但散漫佚失未彙成篇故可傳者
仍多未備也余以不敏承乏各鄉心實政拙口切飲
水學疎才短媿無片善何敢謬司乘紀之主盟然有
迫而不得不應者紀載失真觀風無據博採不全古
善淪亡豈可當此 聖明之世缺此增修之事乎是
以閒閱邑乘寥寥二冊及攷其山河人物則又參差
而未符錯落而未工也愾然者久之此皆前賢不肯
任事因循相待隨相安於簡畧耳於是不揣庸碌集
名公分任編輯事欲其有據人欲其可傳文欲其隳

而不繁詩欲其真而得禮卓行可以礪俗苦節可以
風世禪取臨深之思政載其棠之咏俾觀風者展閱
斯篇千古勝槩瞭然目前全邑幅幘指掌當下將以
爲文也而實事也將以爲今也而實古也草冊粗備
序帙成篇余慙然而知愧愧其無功也余輟然而志
喜喜其集竣也然所以得竣者有二幸焉一幸滑邑
僻居天雄之南距郡二百里得獲庇部院憲府宇下
簡靜率下恩威覃敷民物安瀾兵戈無聞水不甚災
此所以得優游探輯久而事竣又幸而名公忽集時

滑縣誌

舊志敘

三

則有若駕部階平閻公給諫蘭谷朱公濟陽尹導九
劉公三先生裁定主持其萃所長得睹全錦可以質
前可以俟後是役也滑多謙抑君子莫肯首事共推
紫垣趙先生爲陶山令族傳學淹貫予走幣敦禮先
生不鄙辱臨總其大綱析其條貫而滑之羣賢若濟
谷井烟星海桂林諸君子有專任纂修之責有群襄
採摭之事者三閱月而成編次又五閱月而登副廳
邑之文獻庶乎足徵成功若斯之難一滑志也前
此名公哲匠所遠巡未皇竭方未竣者予以謏劣慨

任其事集腋成裘宜勞半載得以藉手告無罪於先
達是濟志之幸也予之所不敢居功也時順治歲次
甲午仲夏吉

舊志叙

兵部車駕司郎中閔

禮

邑人

夫邑之有志猶剛之有史家之有譜皆以垂不朽也
而邑爲難何也國之史司實錄者有專官家之譜紀
世系者有宗子尚易易耳至邑之志則其在在長令
倘學不博則聞見未廣掛漏可虞也識不清則疑似
莫晰淆亂可慮也卽學博矣識清矣而以私意徇之

濟縣志

舊志叙

四

取舍未公於垂鑿無當也况乎征發頻繁新故遞代
爲長吏者非疲精於簿書之不遑卽卸肩於傳舍之
是視誰復取千古百年之事爲一邑謀不朽哉則邑
乘之難視國與家而更備已濟舊有志然麗雜散落
識者慨然前邑令大司馬嵒嶽張公更新之不蕪不
穢泮爲一郭信史迄今百餘載矣其間風習之淳澗
土田之高下與夫徭役之繁簡已無不漸改兼以遊
賊煽亂乾坤晦蒙一時義士或沉寃犴狴或畢命嶮
巖甚至孱焉女子耳爾白刃視死如歸凡有禪風化